

# 凉山地区古代民族 资料汇编

四川民族出版社

# 凉山地区古代民族 资料汇编

蒙 默 编

四川民族出版社

## 凉山地区古代民族资料汇编

四川民族出版社出版                    (成都盐道街三号)  
四川省民族出版社发行                温江人民印刷厂印刷  
开本 787×1092 毫米 1/32 印张 4 插页 1 字数 86 千  
1978年 9月第一版                    1979年 1月第一次印刷  
印数 1—10,000 册

---

书号：M11140·4                    定价：0.26元

## 编 辑 说 明

- 一、本书是为编写《凉山彝族奴隶社会》而蒐集的关于凉山地区彝族的历史和彝族在历史上与其他民族的关系的汉文资料。
- 二、资料范围：地域限于大小凉山地区（包括西昌地区），时间起自战国迄于南宋。但对分析问题有重要意义的本地区外的和南宋以后的个别资料也酌情选入。
- 三、由于本地区古代民族复杂，而且其中一些民族的族属问题学术界还没有统一的认识，因此本编完全根据历史上的族称进行分类。
- 四、各类之中不再分目，编排时尽可能将本类中性质相近的资料列在一起。
- 五、对一些族称不够明确（如“蛮”、“夷”）、或其族称虽明确而所辑条数过少（总数不足五条）的资料，统归入“其他”类中，一律按时间顺序编排。
- 六、为避免重复，各条资料都只出现一次，在每条资料前加一个编号。涉及一个以上民族的资料，只编入最主要的民族类中，而在所涉及民族类末注明又见“××”条，查阅时应将“又见”各条一并检阅。
- 七、凡内容相同而见于不同文献的资料，只辑录记录较全面的一条，而在条末注明“参见某书某卷”。
- 八、为便于检核，所使用的文献尽可能采用最新标点本，无标点本者选用较常见的版本，并在编末所附主要引用书

目中予以注明。

九、为了保留资料的原来面目，对摘录文献中用于历史上少数民族的侮辱性文字一律不予更改，希读者批判对待。

《凉山彝族奴隶社会》编写组 蒙 獐

1977年6月，于成都

## 目 录

一、邛	( 1 )
二、笮	( 7 )
三、僰 (濮)	( 9 )
四、斯 (徙)	( 12 )
五、旄 牛	( 13 )
六、白 狼	( 15 )
七、靡 沙 (磨些)	( 18 )
八、叟 (木耳夷)	( 22 )
九、昆 明	( 26 )
十、獠	( 30 )
十一、东 蛮 (勿邓、两林、丰琶、六姓蛮、浪稽)	( 37 )
十二、马湖蛮 (董蛮)	( 65 )
十三、虚 恨	( 77 )
十四、鸟 蛮	( 88 )
十五、白 蛮	( 94 )
十六、其 他	( 98 )

附：凉山地区各县沿革简表

主要引用书目

凉山地区略图

## 一、邛

1·1 西南夷君长以什数（《汉书·西南夷传》无“西”字），夜郎最大；其西靡莫之属以什数，滇最大；自滇以北君长以什数，邛都最大；此皆椎结、耕田，有邑聚。其外，西自同师以东，北至楪榆，名为嶲、昆明，皆编发，随畜迁徙，无常处，无君长，地方可数千里。自嶲以东北，君长以什数，徙、筰都最大（《集解》“徐广曰：‘徙在汉嘉。筰音昨，在越嵩’”。《索隐》：“服虔曰：‘徙、筰，二国名’。韦昭曰：‘徙县在蜀，筰县在越嵩。’”《正义》：“徙音斯。”）；自筰以东北，君长以什数，冉駩最大。其俗或土著，或移徙。在蜀之西。自冉駩以东北，君长以什数，白马最大，皆氐类也。此皆巴蜀西南外蛮夷也。（《史记》卷一一六，第2991页，《西南夷列传》，参见《汉书》卷九五《西南夷传》）

1·2 西南夷者，在蜀郡徼外。有夜郎国，东接交阯，西有滇国，北有邛都国，各立君长。其人皆椎结、左衽，邑聚而居，能耕田。其外有嶲、昆明诸落，西极同师，东北至叶榆，地方数千里。无君长，辨发，随畜迁徙无常。自嶲东北有筰都国，东北有冉駩国，或土著，或随畜迁徙。自冉駩东北有白马国，氐种是也。此三国亦有君长。（《后汉书》卷八六，第2884页，《南蛮西南夷列传》）

1·3 邛都夷者，武帝所开，以为邛都县。无几而地陷为

汙泽，因名为邛池。南人以为邛河。后复反叛，元鼎六年，汉兵自越嶲水伐之，以为越嶲郡。其土地平原，有稻田。……俗多游荡，而喜讴歌，累与牂柯相类。豪帅放纵，难得制御。

（《后汉书》卷八六，第2852页，《南蛮西南夷列传》）

1·4 汉兴七十有八载，……于是乃命使西征，随流而攘，风之所被，罔不披靡。因朝冉从驥，定筰存邛，略斯榆，举苞满（《索隐》：“服虔云：‘夷种也’ ‘满’字或作‘蒲’也。”《汉书·司马相如传》作“苞蒲”），结轨还辕，东乡将报，至于蜀都。耆老大夫荐绅先生之徒二十有七人，俨然造焉。辞毕，因进曰：“……且夫邛、筰、西僰之与中国并也，历年兹多，不可记已。仁者不以德来，强者不以力并，意者其殆不可乎！今割齐民以附夷狄，弊所恃以事无用，鄙人固陋，不识所谓。”使者曰：“乌谓此邪？……今封疆之内，冠带之伦，咸获嘉祉，靡有阙遗矣。而夷狄异俗之国，辽绝异党之地，舟舆不通，人迹罕至，政教未加，流风犹微。内之则犯义侵礼于边境，外之则邪行横作，放弑其上。君臣易位，尊卑失序，父兄不辜，幼孤为奴，系累号泣，内向而怨曰：‘盖闻中国有至仁焉，德详而恩普，物靡不得其所，今独曷为遗已。’举踵思慕，若枯旱之望雨。戾夫为之垂涕，况乎上圣，又恶能已？故北出师以讨强胡，南驰使以诮劲越，四面风德，二方之君鱗集仰流，愿得受号者以亿计。故乃关沫、若，徼牂柯，镂灵山，梁孙原，创道德之途，垂仁义之统。……。（《史记》卷一一七，第3049—3051页，《司马相如列传·难蜀父老》，参《汉书》卷五七《司马相如传》）

1·5 王莽时，（越巂）郡守枚根调邛人长贵，以为军候。更始二年，长贵率种人攻杀枚根，自立为邛谷王，领太守事。又降于公孙述。述败，光武封长贵为邛谷王。建武十四年，长贵遣使上三年计，天子即授越巂太守印绶。十九年，武威将军刘尚击益州夷，路由越巂，长贵闻之，疑尚既定南边，威法必行，已不得自放纵，即聚兵起营台，招呼诸君长，多酿酒酒，欲先以劳军，因袭击尚。尚知其谋，即分兵先据邛都，遂掩长贵诛之，徙其家属于成都。（《后汉书》卷八六，第2853页，《南蛮西南夷列传》）

1·6 （王莽时）。而粤巂蛮任贵亦杀太守枚根，自立为邛谷王。会莽败汉兴，诛贵。（《汉书》卷九五，第3846页，《西南夷传》）

1·7 （建武十一年，岑彭征公孙述），邛谷王任贵闻彭威信，数千里遣使迎降（《前书音义》曰：“任贵，越巂夷，杀太守枚根，自立为邛谷王”）。会彭已薨，帝尽以任贵所献赐彭妻子。（《后汉书》卷一七，第662页，《岑彭传》）

1·8 邛都县，汉武帝开邛笮置之，……后复叛。元鼎六年，汉兵自越巂水伐之，以为越巂郡，治邛都县。王莽遣任贵为领戎大尹守之，更名为集巂也。县，故邛都国也。（《水经注》第六册，第40页，卷三六《若水注》）

1·9 元狩元年，博望侯张骞使大夏来，言居大夏时，见蜀布、邛竹杖，使问所从来，曰：“从东南身毒国，可数千里，得蜀贾人市。”或闻邛西可二千里有身毒国。（《史

记》卷一一六，第2995页，《西南夷列传》，参《汉书》卷九五《西南夷传》）

1·10 ……天子欣然以（张）騫言为然，乃令騫因蜀、犍为发间使，四道并出：出駹，出冉，出徙，出邛、僰（《汉书·张騫传》作：“出駹，出筰，出徙、邛，出僰”，宋祁曰：“新本邛上有出字”。）。皆各行一、二千里。其北方閉氐、筰，南方閉巂、昆明。昆明之属无君长，善寇盜，輒杀略汉使，终莫得通。（《史记》卷一二三，第3166页，《大宛列传》，参《汉书》卷六一《张騫传》）

1·11 蜀人司马相如亦言西夷邛、筰可置郡。使相如以郎中将往喻，皆如南夷，为置一都尉，十余县，属蜀。（《史记》卷一一六，第2994页，《西南夷列传》，参《汉书》卷九五《西南夷传》，《华阳国志》卷三《蜀志》）

1·12 南越破后，及汉诛且兰、邛君，并杀筰侯，冉駹皆振恐，请臣置吏。乃以邛都为越巂郡，筰都为沈黎郡，冉駹为汶山郡，广汉西白马为武都郡。（《史记》卷一一六，第2997页，《西南夷列传》）

1·13 越巂州本益州西外夷，汉初为邛都郡。（《汉唐地理书钞》第276页，梁载言：《十道志》）

1·14 邛崃山本名邛筰，故邛人、筰人界也。岩阻峻，迥曲九折，乃至山上，凝冰夏结，冬则剧寒，王阳行部至此退。（《后汉书志》卷二十三，第3515页，《郡国志五·蜀

郡属国》刘昭注引《华阳国志》)

1·15 (越嶲郡于张) 窥迁后，复颇奸轨，虽有四部斯儿（当作叟，下同）及七营军，不足固守，乃置赤甲北军二牙门，及斯儿督军中坚卫夷徼。邛都县：郡治，因邛邑名也。邛之初有七部，后为七部营军。（《华阳国志》卷三，第42页，《蜀志》）

1·16 阐县：故邛人邑。（《华阳国志》卷三，第43页，《蜀志》）

1·17 临邛县：（蜀）郡西南二百里，本有邛民，秦始皇徙上郡实之。《华阳国志》卷三，第35页，《蜀志》）

1·18 越巂郡，武帝元鼎六年开，（王）莽曰集巂，属益州（应劭曰：“故邛都国也，有雋水，言越此水以章休盛也。”）。户六万一千二百八，口四十万八千四百五。县十五：邛都，南山出铜，有邛池泽。遂久，绳水出徼外，东至僰道入江，过郡二，行千四百里。灵关道。台登，孙水南至会无入若，行七百五十里。定笮，出盐，都尉治（师古曰“笮，才各反，其下并同；本笮都也。）。会无，东山出碧。笮秦。大笮。姑复，临池泽在南。三绛。苏示，尼江在西北。阑。卑水。瀘街。青蛉，临池瀘在北，仆水出徼外，东南至来惟入劳，过郡二，行千八百八十里，则（王先谦说，“则”字当作“有”——编者）禹同山，有金马碧鸡。（《汉书》卷二八上，第1600页，《地理志》上）

1·19 越嶲郡，十四城，户十三万一百二十，口六十二万三千四百一十八。邛都，南山出铜。遂久。灵关道。台登，出铁。青蛉，有禹同山，俗谓有金马碧鸡。卑水。三缝。会无，出铜。定笮。阐。苏示。大笮。笮奏。姑复。（《后汉书志》卷二三，第3511页，《郡国志》五）

1·20 泸州西南徼外，古羌夷之地。汉以来王侯以百数，独夜郎、滇、邛都、嶲、昆明、徙、筰都、冉駩、白马氐为最大。……邛都，嶲州会同川，与吐蕃接，今邛部州蛮所居也。嶲，今嶲州。昆明在黔泸徼外，今西南蕃部所居也。徙，今雅州严道地。筰都在黎州南，今两林及野川所居地是也。（《宋史》卷四九六《蛮夷传》四）

1·21 顺应庙：在（雅）州城里，即汉邛谷王任贵也。按史：新莽盗汉祚，起越嶲，杀莽所建太守，自立为王，保全一方。及光武中兴，岑彭伐蜀，神即千里迎降纳贡，与河西窦融事一体同。（《舆地纪胜》卷一四七《雅州府》）

又见：2·2，2·3，2·4，4·1，4·2，5·5。

## 二、筰

2·1 筼都夷者，武帝所开，以为筰都县。其人皆被发左衽，言语多好譬类，居处略与汶山夷同。……元鼎六年，以为沈黎郡。至天汉四年，并蜀为西部，置两都尉，一居旄牛，主徼外夷，一居青衣，主汉人。（《后汉书》卷八六，第2854页，《南蛮西南夷列传》）

2·2 定筰县，筰，笮（当衍）夷也。汶山曰夷，南中曰昆明，汉嘉、越巂曰嶲（别本作筰，《水经若水注》亦作筰——编者），蜀曰邛，皆夷种也。（《华阳国志》卷三，第43页，《蜀志》）

2·3 是时，邛、筰之君长（《索隐》：“文颖曰：‘邛者，今为邛都县；筰者，今为定筰县；皆属越巂郡’。”）闻南夷与汉通，得赏赐多，多欲愿为内臣妾，请吏，比南夷。天子问相如，相如曰：“邛、筰、冉駩者近蜀，道亦易通、秦时尝通为郡县，至汉兴而罢。今诚复通，为置郡县，愈于南夷（《索隐》：“晋灼曰：‘南夷谓犍为、牂柯也，西夷谓越巂、益州。’”）。天子以为然乃拜相如为中郎将，建节往使。……司马长卿便略定西夷，邛、筰、冉、駩、斯榆之君皆请为内臣。除边关、关益斥，西至沫、若水，南至牂柯为徼，通零关道，桥孙水，以通邛都（《索隐》：“案：《华阳国志》云：‘相如卒开僰道、通南中，置越巂郡。韩

说开益州。唐蒙开牂牁，斩筰王首，置牂牁郡也，”。《汉书·司马相如传》作：“以通邛、筰。”）。还报天子，天子大悦。（《史记》卷一一七，第3046—3048页，《司马相如列传》，参《汉书》卷五七《司马相如传》）

2·4 元封元年，分犍为置牂柯郡；二年，分牂柯置益州郡。六年，以广汉西部、蜀南部为越巂郡；北部冉駩为汶山郡；邛、筰为沈黎郡。合二十余县。天汉四年，罢沈黎，置两部都尉；一治旄牛，主外羌；一治青衣，主汉民。（《华阳国志》卷三，第32页《蜀志》）

2·5 （周赧王）三十年，疑蜀侯绾反，（秦）王复诛之，但置蜀守；张若因取筰及其江南地也。（《华阳国志》卷三，第30页，《蜀志》）

又见：1·1，1·2，1·4，1·8，1·10，1·11，1·12，1·14，  
1·18，1·19，1·20，3·6，4·1，9·10。

### 三、僰（濮）

3·1 氐羌呼唐，离水之西，僰人、野人（高诱注：“僰，读如前副之副”）……多无君。（《吕氏春秋》卷二〇《恃君》，《诸子集成》本第255页）

3·2 僮：犍为蛮夷。从人棘声（《说文解字》1963年中华书局版第167页，第八篇上，《人部》）

3·3 （僰道）县，本僰人居之。《地理风俗记》曰：“夷中最仁，有仁道，故字从人。《秦纪》所谓僰僮之富者也。”（《水经注》第六册，第7页，卷三三《江水注》）

3·4 僮道：莽曰僰治（应劭曰：“故僰侯国也。”）。（《汉书》卷二八上，第1599页，《地理志》上）

3·5 僮道县：在南安东四百里，距郡百里。高后六年城之。治马湖江会，水通越嶲。本有僰人，故《秦纪》言僰童之富。汉民多，渐斥徙之。（《华阳国志》卷三，第39页，《蜀志》）

3·6 秦时，常頽略通五尺道，诸此国颇置吏焉。十余岁，秦灭。及汉兴，皆弃此国而开蜀故徼，巴蜀或窃出商贾，取其笮马、僰僮、髦牛，以此巴蜀殷富（《索隐》：“韦昭云：‘僰属犍为，音蒲北反’”。服虔曰：“旧京师有僰婢”。）（《史

记》卷一一六，第2993页，《西南夷列传》，参《史记》卷一二九《货殖列传》，《汉书》卷二八《地理志》）

3·7 相如为郎数岁，会唐蒙使略通夜郎、西僰中（《集解》：“徐广曰：‘羌之别种也。’”《索隐》：“夜郎、僰中，文颖曰：‘皆西[南]夷，后以为夜郎属牂柯，僰属犍为。’”），发巴蜀吏卒千人，郡又多为发转漕万余人，用兴法诛其渠帅，巴蜀民大惊恐。上闻之，乃使相如责唐蒙，因喻告巴蜀民以非上意。《檄》曰：“……南夷之君，西僰之长，常效贡职，不敢怠堕，延颈举踵，喁喁然皆争归义，欲为臣妾，道里辽远，山川阻深，不能自致。……。”（《史记》卷一一七，第3044页，《司马相如列传》）

3·8 羌、氐、僰、翟，婴儿生皆同声，及其长也，虽重象狄鞮（高诱《注》：“象、狄鞮，译也。”），不能通其言，教俗殊也。（《淮南子》卷一一《齐俗训》，《诸子集成》本第172页）

3·9 《郡国志》云：西夷有荔支园。僰僮，施夷中最贤者，古所谓僰僮之富，多以荔支为业，园植万株，树收一百五十斛。”（《太平御览》卷一九七，第950页）

3·10 《郡国志》云：乞子石在马湖南岸，东石腹中出一小石，西石腹中怀一小石，故僰人乞子于此有验，因号乞子石。（《太平御览》卷五二，第253页）

3·11 《永昌郡传》曰：朱提郡在犍南千八百里，治朱提县。川中纵广五六十里，有大泉池水口，僰（“僰”原作

“顷”，据欵鲍重城校刻本改——编者）名千顷池。又有龙池，以灌溉种稻。与僰道接。特多猿，群聚鸣啸于行人径次，声聒人耳。夷分布山谷间，食肉衣皮，虽有人形，禽兽其心，言语服饰，不与华同。有堂狼山，山多毒草，盛夏之月，飞鸟过之，不能得去。（《太平御览》卷七九一，第3509页）

3·12 《土夷考》又云：“大渡河南岸为临河堡，与河北羊肆崖汉水口相对。堡之上通大小冲山，及海脑坝、僰夷村，旧僰人聚落也。”（《蜀中广记》卷三四《越嶲卫》）

3·13 懈：僰侯国，今戎之僰道。音朴，一作僰。（《路史》《国名记》）

3·14 会无县：路通宁州，渡泸得住（当作堂）狼县。故濮人邑也，今有濮人家，冢不闭户，其穴多有碧珠，人不可取，取之不祥。（《华阳国志》卷三，第43页，《蜀志》）

3·15 （大明）八年，入为侍中。……改督益宁二州刺史，持节、将军如故。惠开素有大志，至蜀，欲广树经略，善于述事，对宾僚及士人说收牂柯、越嶲以为内地，绥讨蛮濮，辟地征租。闻其言者，以为大功可立。（《宋书》卷八七，第2201页，《肖惠开传》）

3·16 濑夷：《九州要记》云：“在（越嶲）郡界千里，常居木上作屋，有尾长二寸，若损尾立死；若欲地上居，则预窟穴以安尾。”（《太平寰宇记》卷八〇《嶲州》）

又见：1·4，1·10，10·16，10·20，12·5。